



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU NARODNE STRANKE RADOM ZA BOLJITAK

Broj: 03-07-6-333/14
Sarajevo, 06. jul 2015. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Narodne stranke Radom za boljitak za 2013. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Narodna stranka Radom za boljitak prekršila odredbe člana 5. stav (4), člana 11. i člana 12. stav (1) i (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Narodne stranke Radom za boljitak za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Narodna stranka Radom za boljitak se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	4.895,00	0,73%
2	Prilozi fizičkih lica (3-a)	34.601,20	5,12%
3	Prilozi pravnih lica (3-b)	0,00	0,00%
4	Prihodi od imovine (3-c)	10.889,11	1,61%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	625.422,93	92,54%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	675.808,24	100,00%
II	Kreditno zaduženje kod banaka	0,00	0,00%
	Izvori finansiranja (I+II)	675.808,24	100,00%

U godišnjem finansijskom izvještaju stranka je iskazala ukupne rashode u iznosu od 458.572,86 KM.

2. PREDSTAVLJANJE POLITIČKE STRANKE

Naziv političke stranke: Narodna stranka Radom za boljitak. Skraćeni naziv je: Za boljitak.

Stranka je registrovana kod Kantonalnog Suda u Sarajevu, rješenjem broj: R 30/01 i dopunom rješenja broj: R-I-8/04 i R-I-5/05 od 28.06.2005. godine, sa sjedištem u Sarajevu, ulica Kranjčevićeva broj 41.

Rješenjem Općinskog suda u Sarajevu broj: 065-0-F1-11-000003 od dana 03.06.2011. godine upisana je promjena adrese sjedišta Narodne stranke Radom za boljitak, prema kome je sjedište ove političke stranke u Sarajevu, ulica Kulovića broj 1.

Lice ovlašteno za zastupanje stranke je Mladen Ivanković-Lijanović, predsjednik stranke.

Lice ovlašteno za podnošenje finansijskih izvještaja stranke za 2013. godinu je Ante Jurilj.

Prema podacima iz godišnjeg finansijskog izvještaja za 2013. godinu, organizacionu strukturu Narodne stranke Radom za boljitak čine:

- Središnji ured,
- 10 kantonalna odbora,
- 6 regionalnih odbora,

- Gradski odbor Mostar,
- Odbor Brčko Distrikt i
- 121 općinski odbor.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodne stranke Radom za boljitak za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Narodne stranke Radom za boljitak obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava sa posebnim naglaskom na prihode iz budžeta i priloge fizičkih lica.

4. PRETHODNE KONTROLE I REVIZIJE

Služba za reviziju je obavila reviziju i pregled finansijskih izvještaja Narodne stranke Radom za boljitak u periodu od 2005. do 2012. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama političkoj stranci. Nakon izvršene revizije godišnjeg finansijskog izvještaja za 2012. godinu, izdat je izvještaj o reviziji sa nalazima revizije i preporukama stranci da ne prima priloge koji su zakonom zabranjeni, da vodi tačne evidencije o svojim prihodima i rashodima, da obrasce finansijskih izvještaja popunjava u skladu sa odredbama Pravilnika o godišnjim finansijskim izvještajima, te da uplate i isplate gotovine u većim iznosima ne obavlja putem blagajne stranke, nego da iste obavlja preko transakcionog računa stranke.

Nerealizovane preporuke

Na osnovu uočenih nedostataka u godišnjem finansijskom izvještaju za 2012. godinu, utvrđeno je da Narodna stranka Radom za boljitak nije ispoštovala date preporuke.

5. NALAZI I PREPORUKE

5.1. NALAZI

a) Narodna stranka Radom za boljitak prekršila je odredbu člana 5. stav (4) Zakona o finansiranju političkih stranaka.¹

- (1) Pregledom je utvrđeno da su Općinski odbori Gradačac i Hadžići koristili poslovne prostorije u vlasništvu općina Gradačac i Hadžići bez naknade.

¹ Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj partiji uplaćuje članarinu i dobrovoljne priloge neposredno na transakcijski račun političke partije najkasnije u roku od 10 dana od dana prijema uplate.

Narodna stranka Radom za boljitak je korištenjem poslovnih prostora u vlasništvu općina, bez plaćanja zakupnine, primila nenovčane donacije, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2013. godinu.

- (2) Kontrolom je utvrđeno da je stranci putem blagajne, u gotovini, uplaćena članarina u ukupnom iznosu od 3.712,00 KM. Stranka je navedena sredstva bila dužna uplatiti na transakcijski račun stranke.

Obzirom da stranka navedena sredstva nije uplatila na transakcijski račun u roku od 10 dana od dana prijema uplate, prekršena je odredba člana 5. stav (4) Zakona o finansiranju političkih stranaka.

b) Stranka je prekršila odredbe člana 11. i člana 12. stav (1) i (3) Zakona o finansiranju političkih stranaka.

Na osnovu obavljenog pregleda, utvrđeno je da stranka nije evidentirala sve prihode i troškove u svojim poslovnim knjigama, te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

- (1) Stranka u obrascu 3-e finansijskog izvještaja (Nenovčane donacije i računi koje politička stranka nije imala obavezu da plati) nije iskazala nenovčani prilog Općina Gradačac i Hadžići, što je suprotno odredbama člana 18. Pravilnika.
Takođe, stranka u obrascu 4.1 finansijskog izvještaja (Režijsko-administrativni i ostali troškov) nije iskazala ni troškove zakupa poslovnih prostora koje su koristili općinski donori Gradačac i Hadžići, čime je postupila suprotno odredbama člana 22. Pravilnika.
- (2) Na osnovu akta Hercegbosanskog kantona broj: 03-01-14-89.2/14, utvrđeno je da je ovaj kanton isplatio stranci sredstva iz budžeta za 2013. godinu u iznosu od 12.000,00 KM, što stranka nije iskazala u obrascu 3-f finansijskog izvještaja (Prihod iz budžeta), čime je prekršila odredbe člana 19. Pravilnika.
- (3) Stranka je u obrascima 4.1 (Režijsko-administrativni i ostali troškov) iskazala troškove zakupa u manjem iznosu za 1.660,84 KM, što ukazuje na činjenicu da stranka ne vodi adekvatne evidencije o svojim rashodima, čime je prekršila odredbe člana 20. i člana 21. Pravilnika.
Stranka je, za sljedeće općinske odbore, iskazala troškove zakupa u manjem iznosu i to za: OO Tuzla u iznosu od 80,34 KM, OO Kladanj u iznosu od 190,50 KM i OO Maglaj u iznosu od 1.390,00 KM.

Obzirom da je stranka iskazala troškove u manjem iznosu, tako nije iskazala niti obaveze po istom osnovu u obrascu 5.2 (Ostale obaveze), čime je prekršila odredbe člana 24. Pravilnika.

- Stranka u obrascu 5 finansijskog izvještaja nije iskazala obaveze prema pravnom licu Javno preduzeće RTV Bihać u iznosu od 400,00 KM.
Stranka je izvršila otpis obaveze prema ovom pravnom licu bez adekvatne dokumentacije.
Obzirom da stranka nema saglasnost pravnog lica o otpisu obaveza, iste je trebala iskazati u obrascu 5 u iznosu od 400,00 KM.

5.2. PREPORUKE

Preporučuje se Narodnoj stranci Radom za boljitak da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da prijavljuje sve priloge koje je ostvarila,*
- *da poslovne knjige vodi u skladu sa zakonskim propisima, odnosno da vodi adekvatne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Narodna stranka Radom za boljitak je u ostavljenom roku dostavila primjedbe na Preliminarni izvještaj o pregledu godišnjeg finansijskog izvještaja za 2013. godinu. Uz primjedbe stranka je dostavila relevantne dokaze koje je Služba zaveziziju uvažila i u tom dijelu je korigovala nalaze. Služba za reviziju je naknadno utvrdila da je Kanton Livno iz budžeta izvršio uplatu sredstava Narodnoj stranci Radom za boljitak, a da stranka nije u godišnjem finansijskom izvještaju iskazala prihode iz budžeta ovog kantona, što je u formi nalaza ugradila u Konačni izvještaj o pregledu godišnjeg finansijskog izvještaja za 2013. godinu.

šef Odsjeka za revizijske poslove

Sanja Tošović

Revizor

Veliborka Kenjić

šef Službe za reviziju

mr. sc. Hasida Gušić